

Član 13.

Ovaj Pravilnik stupa na snagu sljedeći dan nakon objavljivanja na oglasnoj ploči Općine, a bit će naknadno objavljen u "Službenim novinama Kantona Sarajevo".

Stupanjem na snagu ovog Pravilnika prestaje da važi dosadašnji Pravilnik o utvrđivanju kriterija za formiranje liste korisnika sredstava za rješavanje stambenih potreba određenih kategorija stanovništva ("Službene novine Kantona Sarajevo", broj 31/10).

Broj 02-49-55/14  
Februar 2014. godine  
Sarajevo

Predsjedavajući  
Općinskog vijeća  
Stari Grad Sarajevo  
**Vedran Dodik**, s. r.

Stavljeno na oglasnu ploču 07.02.2014. godine

Na osnovu člana 5. i 7. Odluke o građevinskom zemljištu Federacije BiH, broj 25/03 i 16/04 i 67/05) i člana 25. Statuta Općine Stari Grad Sarajevo - ("Službene novine Kantona Sarajevo", broj 20/13 - Prečišćeni tekst), Općinsko vijeće Stari Grad Sarajevo, na sjednici održanoj dana 03.02.2014. godine, donosi

**RJEŠENJE**

I.

U Komisiju za provođenje javnog konkursa za dodjelu gradskog građevinskog zemljišta, imenuju se:

- za predsjednika  
- Indira Hodžić  
za članove  
- Alma Serdarević  
- Salih Išerić  
- Svjetlana Jašarević  
- Ibrahim Mašić

II.

Mandat predsjednika i članova Komisije za provođenje javnog konkursa za dodjelu gradskog građevinskog zemljišta traje četiri godine od dana imenovanja.

III.

Ovo rješenje stupa na snagu danom objavljivanja na oglasnoj tabli Općine Stari Grad Sarajevo, a naknadno će biti objavljeno u "Službenim novinama Kantona Sarajevo".

Broj 02-49-76/14  
03. februara 2014. godine

Predsjedavajući  
Općinskog vijeća  
Stari Grad Sarajevo  
**Vedran Dodik**, s. r.

Stavljeno na oglasnu ploču 18.02.2014. godine

**Općinski načelnik**

Na osnovu člana 10. stav 7. Statuta Općine Stari Grad Sarajevo - prečišćeni tekst ("Službene novine Kantona Sarajevo", br. 20/13), Projekta "Razvoj pčelarstva" na području Općine Stari Grad sa ciljem podsticaja pčelarske proizvodnje, Načelnik Općine Stari Grad Sarajevo, donosi

**ODLUKU**

**O UTVRĐIVANJU USLOVA ZA OSTVARIVANJE  
PRAVA UČEŠĆA GRAĐANA U DODJELI PČELARSKE  
OPREME NA PODRUČJU OPĆINE STARI GRAD  
(KOŠNICE I PČELARSKA DRUŠTVA)**

I.

Ovom Odlukom utvrđuju se uslovi za ostvarivanje prava učešća građana sa područja Općine Stari Grad Sarajevo u dodjeli pčelarske opreme (košnice i pčelarska društva) sa ciljem stimulisanja pčelarske proizvodnje (u daljem tekstu: pčelarska proizvodnja).

II.

Pravo na učešće u dodjeli pčelarske opreme ima fizičko lice (u daljem tekstu: pčelar), koje ispunjava uslove propisane ovom Odlukom, čije je mjesto prebivališta, zemljište i košnice pčela na području Općine Stari Grad.

III.

Uslovi za ostvarivanje prava učešća pčelara su:

**Opći uslovi:**

1. Da podnosilac zahtjeva ima mjesto prebivališta, zemljište i košnice sa pčelarskim društvima na području Općine Stari Grad.
2. Da je zakonski korisnik zemljišta (vlasnik, suvlasnik, nosilac prava korištenja i slično).
3. Da košnice sa pčelarskim društvima pripadaju poljoprivrednom gazdinstvu, odnosno da su na posjedu gdje podnosilac zahtjeva stanuje.
4. Broj članova poljoprivrednog gazdinstva i da u okviru gazdinstva žive minimum dva radno sposobna člana.

**Posebni uslovi:**

1. Da poljoprivredno gazdinstvo sa košnicama pčela nije u blizini glavne saobraćajnice.
2. Da poljoprivredno gazdinstvo ima do 10 komada košnica sa pčelarskim društvima sa tri, dva ili jedan nastavak sa svim dijelovima koji čine košnicu (podnica, ramovi, hranilica i limeni krov).
3. Da poljoprivredno gazdinstvo u košnicama sa pčelarskim društvima imaju prinos po košnici najmanje 5 kg.
4. Da poljoprivredno gazdinstvo ima do 5 pojedinačnih komada nastavaka sa pratećim dijelovima i pčelarskim društvima.
5. Da poljoprivredno gazdinstvo koje tek počinje sa pčelarenjem ima u blizini voćnjak potreban za prinos meda i vodu za pčele.
6. Da poljoprivredno gazdinstvo ima tradiciju u pčelarenju (proizvodnja meda i prerada pčelinjih proizvoda).

Svaku tačku navedenih uslova, za svakog pčelara, na terenu će konstatovati Komisija za dodjelu pčelarske opreme (u daljem tekstu: Komisija), sačiniti foto dokumentaciju i nakon terenskog obilaska, formirati zapisnik, tabelarno.

IV.

Uz zahtjev za dodjelu pčelarske opreme potrebno je priložiti dokaze o ispunjavanju općih uslova navedenih u članu III ove Odluke. Posebni uslovi navedeni u članu III ove Odluke utvrđivat će se na licu mjesta.

Prijave zahtjeva podnose se predajom na šalter protokola u zgradi Općine Stari Grad. Zahtjevi podneseni sa nepotpunom dokumentacijom neće se uzimati u razmatranje.

V.

Postupak za ostvarivanje prava učešća građana u podsticaju pčelarske proizvodnje provodi Komisija.

Odluku o dodjeli pčelarske opreme donosi Načelnik Općine Stari Grad Sarajevo na prijedlog Komisije.

VI.

Rok za podnošenje prijave na Javni poziv je 7 dana od dana njegovog objavljivanja na Oglasnoj ploči Općine i oglasnim pločama Mjesnih zajednica Općine Stari Grad Sarajevo. Za realizaciju ove Odluke zadužuje se Služba za privredu.

VII.

Ova Odluka stupa na snagu danom donošenja, a bit će objavljena na Oglasnoj ploči Općine, oglasnim pločama Mjesnih zajednica Općine Stari Grad Sarajevo i "Službenim novinama Kantona Sarajevo".

Broj 01-05-2-182/14  
11. februara 2014. godine  
Sarajevo

Načelnik Općine  
**Mr. Ibrahim Hadžibajrić**, s. r.